



UNIVERSITÄTS-
BIBLIOTHEK
PADERBORN

**R. P. Adami Contzen E Societate Iesv, SS. Theol. Doct.
Commentaria In Qvatvor Sancta Iesv Christi Evangelia**

Contzen, Adam

Coloniæ Agrippinæ, M.DC.XXVI

vers. 22.

[urn:nbn:de:hbz:466:1-82999](https://nbn-resolving.org/urn:nbn:de:hbz:466:1-82999)

fumigans eosdem significat, qui iam iam ad interitum propertabant; si enim Christus non cessisset, iam ut explicui, perissent. Nec terrē factas, sed obduratas habebant conscientias.

VERSVS 22.

*Tunc oblatus est ei demonium habēs,
cacus & mutus: & curauit eum,
ita ut loqueretur & videret.*

QVÆSTIO I.

Cur cacus & mutus?

Vnde mutus. §. 1. Dæmonium cacum aut mutum hic non dicitur, sed ipse, qui eo detinetur, dæmone nimium illa operante, & poenitentiarum naturales actiones præpediente, κακός & mutum & surdum significat, ideo non desunt, qui surdum vertunt; verum illi duo defectus se mutuo ordine quodam comitantur, hinc tamen mutum intelligere necesse est; quia in miraculo recensetur quod sit locutus. An vero natura, an dæmonis violentia mutus fuerit, incertum est. Comm. Hieron. putat, aliunde mutum fuisse. Verum quacunque ex causa mutus fuerit, miraculi magnitudo cunctis apparuit.

VERSVS 24. & 25.

*Pharisæi autem audientes dixerunt.
Hic non eiecit demones nisi in Beelzebub principe dæmoniorum. Iesus autem sciens cogitationes eorum, dixit eis. Omne regnum diuisum contra se, desolabitur: & omnis ciuitas vel domus diuisa contra se, non stabit. Et si satanas satanam eiecit, aduersus se diuisus est: quomodo ergo stabit regnum eius?*

QVÆSTIO I.

An diaboli regnum non sit in se diuisum?

*Omne diuisum re-
dit ad interitum.* §. 1. Dicitur respondisse Dominus ad eorum cogitationes, quamvis enim Christo non dixerint, clam tamen populo insuurrabant, & forte cogitationibus illa ipsa versabant; quæ Dominus adfert. Primum argumentum est: Omne regnum in se diuisum, seu contra animam suam diuisum, ut Syrus ait, desolabitur. Omne enim regnum dissidijs perit necessario. Validiora enim quam ut extrema metuant, in se ruunt. Itaque si dæmonum corpus ita dissidet, ut alij alios pellant, alij cruciare velint, alij liberare cruciatos, non potest eorum regnum esse diuturnum. Dæmonum est autem ea astutia, ut in regno suo propagando & stabilendo sint concordēs. Id vero homines hactenus semper experti sunt; non modò in obsessis quos pertinacissime obident, sed etiam in hominibus ad peccatum pelliciendis.

Cum ait: domus super domum cadet, vel sensus est: In regno in se diuiso desolandas vrbes, & domum vicinam proximæ illapsuram, vel more Hebræorum antecedens pro re latius repetentium. Domus super domum, hoc est, seipsam cadet. Posterior sensus est apud

Marcum. Si domus super semetipsam dissipetur, non potest stare domus illa.

§. 2. Non desunt Pharisæorum defensores. Nam primò potest dæmon fortior quisque; imbecilliores pellere, ipse princeps omnes. Deinde potuerunt dæmones timorem fugamque simulare, & mentiri, atque hæc omnia ex pacto ut homines deciperentur, & per magicas imposturas in fraudem inducerentur; non igitur firma est Christi ratio. Præsertim si Iudæorum exorcistæ non Dei spiritus, sed magico dæmones pellebant.

Respondeo firmissimam rationem esse. Fundamentum eius est in mutua dæmonum conspiratione, ad homines eodem secum exitu inuoluentos, atque in hac vita puniendos. Deinde experientia docebat, nullos dæmones esse, qui non pertinacissime hareant, inuitissime ac difficilimè egrediantur. Tercio à Christo pellebantur in sola loca ubi nocendi facultas deerat. Quarto, plurimi, imò integre legiones sic expellebantur: Hæc ergo si dæmones inter se & eorum princeps ageret, magna esset inter eos dissensio, & se mutuo dissidio impedirent. At nunquam à modo condito id auditum est, ut in Magi alicuius gratiam inter se tumultuarentur, vel bella fingerent dæmones, eoque, ut ex corporibus hominum se mutuo pellant. Fingunt illi inter se aliquando pugnas, ut in rebus ludicris, sed cum ad possessiones ventum est, iam ut in re seria, conspirant. Videatur Athanasius de incarnatione.

Confirmatur ex eo quod perfecte eiciebat. Quæ perfectio duplici in re constabat. Nam corpore & anima pellebat, & est in 3. part. 1. q. 45. a. 2. ad 4. Deinde & corporibus perfecte eiciebat, vero imperio, sanis, & si læsi essent, restituitis energumenis, siue vlla portate, aut spe redeundi, quorum contrarium ut Magis experientia docet. Pharisæi de violentia per principem dæmonum coactionem intelligebant, ita ut tormento exigi dæmones credebant. At vero scitor, tam multos, tam crebro principes eiecit, & in alia loca relegat, quomodo stare potest regnum eius? Magis enim suos milites; quam hostes, hoc est, homines ex-cruciat.

§. 3. Deprauat hunc locum Beza & Caluinus. Vt autem, inquit Beza, Filij vestri, & vobis vobis Heb. id est vestri, siue vestrales. De discipulis autem suis Christus hoc intelligit, quos reuerfos, & edita à se miracula narrantes turba audierat, potius quam de exorcistis Iudæis, quorum hic mentio Act. 19. 13. ut sit firmum argumentum. Nam potius cum collisit Satan, quam confertur ab ipsis eijceretur, & quod illo Actuum loco refertur, versute fecit Satan, sicut etiam quoties Christo gloriam tribuit, & idcirco ab eo tacere iussit.

Eijciunt, & idcirco, In duobus exemplaribus scriptum erat & idcirco, eijcient: Ipsi erunt vestri iudices, & vobis vobis vobis. Erasmus, ipsi iudicabunt de vobis, id est, & vobis vobis vobis. Familiaris autem est hæc loquendi formula sacris scriptoribus, qua dicitur aliquis eum iudicare cuius vitia suæ virtutis exemplo etiam tacens coarguit: quo modo accipiendum est, quod paulo post de Ninivitis & regina Austri commemoratur.

Christi itaque argumentum contra Pharisæos ab ipso Domino factum solvere conatur. Nam quod ad doctrinam attinet. Non poterat ea Christus vi ad probandum, esse sanctam, & Dei virtute nixam dæmonis ejectionem. Seductore etenim & falsum prophetam hominabant, adeo ut ex doctrina quam ipse iudicabant, etiam hoc colligeret; Dæmones arte magica ab illo eijci. Christus veto ex opere doctrinam probat, non ex doctrina opus. Doctrinam in controuersia vocabant, operibus erudiri Dominus iubet. Caluinus impu-